

1678






Rail 1678.



Ruth 1678

☞ DE BELLO  
GESTO IN HVNGARIA  
aduersus Solimannum potentissis-  
mum Turcarum Imperato-  
torem, Carmen  
Heroicum.



Ex officina Ioannis Graphici, Anno  
M. D. XXXIII.  
mense Iunio.

DE BELLO

GESTO IN HUNGARIA

aduersus Solumanum potentissimum

primum Turcarum Imperatorem

scriptum, Carminibus

Historiarum

IOANNES GRAPHEUS



Ex officio Joannis Grapheus Anno



M. D. C. C. C. L. V.

# CARMEN DE

## BELLO CONTRA TVRCAS

per Christianum Furnensem.



Andem Cæsar adest victor terraq; mariq;  
Turcarum vt rabiē contundat fortibus armis,  
Tandem se dignas Germania concipit iras,  
Vna omnes arma arma volunt, Martemq; capeffunt,  
Quos pulcher Rhenus, quos flauus perfluit Ister,  
Hinc ruit in pugnam pro libertate Sueuus,  
Heluetiūq; truces, variis hinc Saxones armis  
Concurrunt, Heflusq; ferox, toruiq; Sicambri,  
Indomitus late iam pulsat Sarmata campum,  
Sarmata cui gelida canescit barba pruina,  
Belgarum populi conspirant, Flandria fortis,  
Hollandi dices, & amœna Brabantia, iungunt  
Agmina pugnaces Phrisii, Galliūq; superbi,  
Accelerant omnes, aut mortem occumbere certi  
Pro patria, aut diros detrudere finibus hostes.

In medio Cæsar magnus cum fratre verendo  
Conspicitur, variis acuens hortatibus alas,  
Nunc estote viri memores virtutis auitæ,  
Immani ac molli pudeat seruire tyranno  
Qui nunc in nostris fixit tentoria regnis,  
Materno natos iugulans & ab vbere raptos,  
Dedecus hoc auferte manu qui vincere sueti,  
Vos qui romanæ non passi iura securis.

At parte ex alia patriis Solmannus in armis  
Stabat, & innumero compleuit milite campos

Solimanus  
mus ad  
suos.

Dira fremens, fastuq; tumens, & feruidus ira,  
Christicolæ vani clamat, nostra arma laceſſunt,  
Quos porro toties toto exagitauiſus orbe,  
Et quorum toties rubuit iam ſanguine Nereus,  
Europam atq; Aſiam domui, Libiamq; ſubegi,  
Me timet Euphrates, Ganges, Nilotica tellus,  
Aequora magna tremunt, Oriens me totus adorat,  
Parua loquor, noſtro ſunt omnia ſubdita ſceptro,  
Et qua mane caput roſeum leuat Auricomus ſol,  
Laſſus Atlantæas & qua ſe mergit in vndas,  
Sed veniant, noſtris aſcribanturq; triumphis.

rdinatio  
exercitus  
turcarū.

Tum vero infremuit Turcarum exercitus omnis,  
Vna omnes ruere e caſtris, pugnaeq; parant ſe,  
Hic Arabes Medi; in picta veſte decori  
Sublimes volitant in equis & ſpicula torquent,  
Spicula denſa nimis nigroq; infecta veneno,  
Hic Numidæ inſultant, Mauriq; & diſcolor Indus,  
Auro reſplendent multo gemmiſq; coruſcant,  
Magnanimi Satrapæ & Reges comitantur Eoi,  
Quos phœbus radiis propioribus aſpicit ardens,  
Fertilis hic Aſiæ gentes ſua ſigna ſequuntur,  
Innumeræ gentes, quarum nec nomina poſſis  
Dicere, nec linguas, varios nec dicere cultus,  
Hic Aegyptus, & hic rubri maris accola tendit,  
Hic qui Caucaſeas rupes, qui clauſtra tuentur  
Caspia, & Aethiopes nimio qui ſole peruſti,  
Armeni; ſagittiferi, Parthiq; fugaces,  
Purpureis aurum ſagulis nitet intertextum,  
Stant & Graiugenæ iuga ferre ſuperba coacti,

Terris

Terribilis latos deuastat Tartarus agros,  
Viuere qui rapti solitus, rituq; ferarum,  
Dimidio rarus qui labro, cætera crispus.

Et iam ferratæ concurrunt vndiq; turmæ Pugna.  
Sublato clamore ruunt, hinc Barbarus hostis  
Cæsaris hinc miles, tellus tremit & tonat æther,  
Danubiusq; suis trepidum caput occulit vndis,  
Altifremos iam iungit equos cum Pallade torua  
Bellipotens Mauors & sæua per agmina fertur  
Nunc has nunc illas instigans voce cohortes,  
Dissipat æratas acies bombardæ fragore  
Tartaræo, furiaæ magnum per inane vagantur,  
Conculcata feris toties a gentibus olim  
Pannoniæ tellus nunc desolata iacebis,  
Maius habes vulnus quam cum paterere furentes  
Hunnos atq; Getas Scythiæ sub frigore natos.

Quis precor o Musæ Pindi iuga celsa colentes  
Implexæq; sacros lauro Parnasside crines,  
Quis poterit vates victuris tradere chartis  
Sanguineum Mauortis opus? crudelia fata?  
Ingentesq; vna populos in cæde natantes?  
Viribus hic summis totus colliditur orbis  
Nec gens vlla vacat tanto in discrimine rerum,  
Martia nunc veteres ne iactet Roma triumphos  
Hannibalem dirum sileat victumq; Iugurtham  
Antiochumq; leuem reppulsum trans iuga Tauri  
Inclyta Achemenium sileat nunc Græcia Xerxem,  
Xerxem qui vinclis constrinxerat Ennosigæa  
Et rapidum immanes montes disiecit in æquor,

Pellæum iuuenem, nec tantum gloria tollat  
Ebrius inbelles agmen qui duxit ad Indos.

*malus* Turcarum proceres pugnam inuadunt Mamalucchi

*primū* Tincta bis Herculeo quos vestit murice læna

*rcarum* Aureus est ollis clipeus, micat aurea cassis

*us.* Insignis crista ac rutilantia fulmina mittens,

*isari* Hic & Ianifari durum genus agmina densant,

*undum* Horrida qui primis meditantur prælia ab annis,

*us.* Et Martem didicere pati præeunte magistro

Vestibus in niueis, ac multicoloribus armis,

Turmatim fugiunt, turmatim in bella feruntur,

Aduersas acies perfringunt pectore duro,

Cæsareaſq; aquilas dextra armipotente reuellunt,

Fit sonus, infanæ crudescunt vndiq; pugnae

Ingruit hinc oriens, hinc contra tendit & arctos,

Nec requies datur vlla, simul cæditq; caditq;

Gens deuota neci, pereundi mille figurae,

Mors circumuolitans nigrantibus horrida pennis

Purpureosq; duces sternit vilemque popellum,

Sydera transcendunt gemitus, suspiria, clangor,

Ipsè inter medios Solmannus feruidus instat,

Bellica tempeſtas, fulmen, sæuumque flagellum,

*na in* Aurea dimidie prætendens cornua lunæ.

*ne Tur* Qualis apud Rhodopen maioris Tanaimue niualem

*um.* Bistonios quatiens currus volat axe citato,


Cærulea infestis contra it Germania signis

Tela per & mortes, infracta ac nescia vinci

Pectora inardescunt, seq; exhortantur in arma,

Iamque aquilonigenæ Sueui per lactea colla

Cæsariem



Cæsariem sparsi flauam, pictiq; cherusci,  
Quiq; Mosam Rhenumq; bibunt Rhodaniq; fluenta,  
Et quos Albis aquis vitreus torrentibus ambit,  
Cultor & hercinii nemoris crudiq; Bohemi  
Austriaciq; duces, & laxis Sarmata braccis,  
Impete fulmineo prosternunt omnia late,  
Tergaq; magnorum fodiunt trepidantia regum,  
Mordet humum sonipes, & crebris calcibus auras  
Verberat expirans miseri super ora regentis,  
Tristia vulnifica peraguntur praelia dextra,  
Luctus vbiq;, & vbiq; pavor, gemitusq; cadentum,  
Hinc Europei nituntur, & hinc Asiani,  
Sanguine iam campi q; latent, vallesq; replentur  
Corporibus caesorum, & inundant sanguine riui,  
Ister purpureus tumidusq; cadauere multo  
Aequoreas nullos cursus inuenit in vndas,

At pater omnipotens qui sydera temperat aurea,  
Nube caua tectus pugnas spectabat olimpo,  
Audiit ac tandem miseratus vota suorum,  
Intonat horrendum perstringens lumina flamma.  
Ille fugam Turcis misit tetrumq; pauorem,  
Omnis eques cessit campis, omnesq; tyranni,  
Assirii, Cilices, Colchi, pharetrataq; Persis,  
Cappadocesq;, Arabesq;, & Thraces, & vltima bactra  
Protinus effusi parmis fugere relictis,  
Caesareus toto desæuit in æquore miles,  
Carolus & victor statuit tibi Christe trophæum.



